

**Sekretáriu Estadu Konselhu Ministrus I Porta-Voz Ofisiál
Governu Timor-Leste
Ágio Pereira**



**11 Fevereiru, 2010
Díli, Timor-Leste**

Mari Alkatiri la dun iha informasaun kona-ba Negosiasaun Tasi Timor; nia intervensaun negativu ba interesse nasional

Relasiona ho deklarasaun husi Mari Alkatiri ba imprensa hatudu katak Sekretáriu Jerál Fretilin la dun informádu no reprezenta sala pozisaun Governu Timor-Leste nian kona-ba situsaun ne'ebé acktual negosiasaun Tasi Timor.

Lamentável tebes, Señor Alkatiri hatudu katak la dun fo apoiu ba estratéjia política nasional mak importante tebes ne'ebé implementa hosi Guvernu Xanana Gusmão nian, hodi asegura dezenvolvimentu indústria petrulifera ida mak dinamika tebes ba Timor-Leste.

Alkatiri mós informa lia falsu ba públiku bainhira hatetan katak Guvernu Xanana Gusmão nian halo ona kontratu ho Petronas hodi "troka" Woodside iha projektu Greater Sunrise.

Deklarasaun ida ne'e la los no hatudu saladalan.

Governu Timor-Leste sedauk halo kontratu ida ho Petronas hodi troka Woodside ho nia parseirus konsorsiu sira. Governu Timor-Leste sedauk fó no sei la fó direitu explorasaun (a montante) iha área Greater Sunrise, tanba legalmente direitus sira ne'e pertense ba Woodside ho ninia konsorsiu sira.

Importante mós atu nota katak Governu Timor-Leste sedauk halo kontratu ruma (a juzante) kona-ba projektu Greater Sunrise nian ho kompanhia ruma inklui mós Woodside. Segmentu juzante nian sei inklui kontratu ba transportasaun (gazodutu) i prosesamentu (Sentral GNL).

Negosiasaun hotu-hotu hala'o ho reprezentantes hosi Timor-Leste uza informasaun aktuál no klaru tebes hodi permite negosiador sira atu fó explikasaun adekuada kona-ba kestoens teknikas, komersiál e sosio-ekonómikas nian, hodi lori mai ba Timor-Leste Gazodutu no Sentral GNL. Informasaun mai hosi estudus oi-oin halo hosi Primeiru Ministru Xanana Gusmão nia Governu, inklui estudo batimétriku ne'ebé realiza ho kooperasaun hamutuk ho Konsorsiu Koreanu no estudo viabilidade konjuntu entre Timor-Leste ho Petronas.

Rezultadus estudus hirak ne'e hatudu momos katak, diferente ho Alkatiri ho nia maluk sira inklui Woodside, sira bé iha pasadu fiar katak linha kadoras mai Timor-Leste teknikamente la viavél, Xanana Gusmão nia Governu mobilize esforsu tomak hodi hala'o estudo i hatudu prova ke kontrariu ho sira nian; katak kadoras mai Timor-Leste, distansia kilómetrus 200 deit, kompara ho kilómetrus 450 ba Darwin, ida ne'e viavél no ekonmikamente di'ak liu.

Mekanismu ba negosiasaun no diskusaun iha asuntus mak pertente ho explorasaun Tasi Timor, inklui projektu Greater Sunrise, estableisu hotu ona; ne'e inklui Regulamentu atu regula diskusoens, reunioens JPD nian ho Komisoens Sunrise, i se wainhira preszija, Konselhu Ministérial.

Governu sei buka atu halo negosiasaun, liuhosi mekanismu hirak ne'e, planus dezenvolvimentu ba Greater Sunrise atu mai Timor-Leste; politika ida ne'ebé hetan apoiu tomak iha Timor-Leste. Ida ne'e mak parte ida hosi estratéjia política nasional

K
O
M
U
N
I
K
A
D
U

B
A

M
P
R
E
N
S
A

kompreensivu iha Governu ne'ebé Primeiru Ministru Xanana Gusmão lidera atu asegura benefisiu ekonomiku ida mak dura no di'ak liu ba Timor-Leste, liu hosi manejamentu kapaas ba rikezas nasional ne'ebé mak renovável (rekursus minerais)

Sekretáriu Estadu Konselhu Ministrus tuirmai konfirma katak Governu Timor-Leste sei la kompromete halo komprimisiu, ho dalan ou forma sa deit, ho prinsipiu katak Planus Dezenvolvimentu area saida deit iha Greater Sunrise tenke primeiru fó benefisiu i importante liu-liu povu Timor-Leste mak dezenvolvimentu sustentável longu prazu nian. **FIN**

Atu hetan informasaun liutan halo favor kontaktu:

Ágio Pereira
+670 723 0011
agiopereira@cdm.gov.tl
or
govtlmedia@gmail.com